

## Declaración conjunta d'as entidatz que treballamos per las luengas y la suya igualdat, debant d'o prochecto de lei de l'audiovisual



Debant de l'aprobación d'o prochecto de Lei cheneral de comunicación audiovisual per parte d'o consello de ministros celebrau ahíere, las entidatz civicas y culturals que treballamos per la igualdat d'as luengas manifestamos:

Que consideramos clarament insuficients los avances pa las nuestras luengas que s'incluyen en este texto en relación con os anteproyectos feitos publicos anteriorment. Per tanto, caldrá amillarar a fondo y muito significativament lo redactau d'a lei entre lo suyo tramite parlamentario.

Entendemos que una lechislación chusta y democratica ha de reconoixer, desfender y promover la pluralidat lingüística y cultural d'o Estau espanyol. Y ha de contribuir a la rehabilitación y recuperación d'os espacios dica hue negaus a las nuestras luengas.

**Per ixo, instamos a totas las fuerzas politicas y a lo gobierno espanyol a que, entre lo tramite en as Cortz Chenerals, lo texto d'a futura Lei Cheneral de Comunicación Audiovisual, incluga como principio basico, la reconoixencia, defensa, guarencia y promoción d'a pluralidat lingüística. Pluralidat que habría de concretar-se, a lo menos, en dos ambitos:**

**Primero, igualando contenius y percentaches minimos en totas las luengas d'o Estau en doblache, subtitulacions y audiodescripciones**

**Y segundo, igualando las obligaciones de financiamiento de produccions audiovisuales en as distintas luengas d'o Estau, ya sían pa plataformas dichitales u per canals televisivas.**

En este sentiu, nos comprometemos a poder aconseguir estes obchectivos, realizando totas las chestions y actuaciones necesarias debant d'os deputaus y senadors, y tamién debant d'o gobierno espanyol, entre tot lo periodo d'o suyo tramite parlamentario, tanto dende los nuestros respectivos territorios como tamién en Madrid, de forma conjunta.

Recordemos que l'audiovisual ye un d'os sectores en os quals la exclusión de luengas diferents d'o castellán ye mas evident. D'os milars de titols d'os catalogos de plataformas audiovisuales como Netflix, HBO Max, Prime Video, Rakuten TV, Apple TV+, Movistar+ u Disney+, entre otros, nomás un percentache anecdótico, en o millor d'os casos, y mayoritariament nomás en produccions propias, ye disponible en os nuestros idiomas. Manimenos, la oferta doblada u subtitulada en castellán ye completa, mesmo en distintas variedatz. Y tenemos decenas d'otros idiomas en tota la oferta sin que esto supose garra problema.

Dica agora, la lechislación cheneral de l'audiovisual nomás ha establiu percentaches obligatorios de conteniús y financiamiento minimas pa lo castellán, sin indicación ni reconoixencia d'atras luengas existents en o Estau espanyol, dillá d'a retorica vueda de conteniú que existe en otros textos legals. Esto impide que los ninos, los chovens y lo publico per lo cheneral desfruten de l'amplio abanico disponible de programas, series y cintas en a suya luenga.

Ye menister actuar decididament en o sector audiovisual, un d'os ambitos an que la situación d'exclusión d'as nuestras luengas ye mas evident y que, a lo mesmo tiempo, ye una d'as ofertas de ocio mas utilizadas per la ciudadanía en cheneral, y los chovens y los ninos en particular. Estes dos elementos confluyen en un sector estratechico con gran capacidat pa contribuir a lo desembolique lingüístico, cultural y economico d'os nuestros respectivos países.

Sinyan esta declaración:

Mesa pola Normalización Lingüística (**Galiza**)- Euskalgintzaren Kontseilua (**Euskal Herria**)- Òmnium Cultural, Plataforma per la Llengua, Ciemen, Acció Cultural del País Valenciá, Obra Cultural Balear, Escola Valenciana, Associació Cultural Valenciana Tirant lo Blanc, Federació d'Organitzacions per la **Llengua Catalana**, Iniciativa pol Asturianu (**Asturies**) y Nogará religada (**Aragón**).